



Uhapšen osumnjičeni za zločine u Cazinu

Postupajući po zahtjevu Državne agencije za istrage i zaštitu (SIPA), a na osnovu naredbe Tužilaštva BiH, policijski službenici Granične policije BiH u nedjelju su, na graničnom prelazu Izačić, uhapsili osobu S. D. (1963), koja je istog dana predata policijskim službenicima SIPA. Radi se o nastavku aktivnosti u okviru predmeta ratnih zločina na području općine Cazin. Osoba inicijala S. D. uhapšena je zbog sumnje da je počinila krivično djelo ratni zločin protiv civilnog stanovništva. Uhapšena osoba privedena je u službene prostorije SIPA, gdje je nad njom izvršena kriminalistička obrada, nakon čega je jučer predata Tužilaštvu BiH na dalje postupanje, saopćeno je iz SIPA.